

A Faatinoina o galuega faapitoa:

❖ O soo na valaauina: Mareko 1:16-20.

- E iloga Mareko i lona puupuu. Pe ana fai tatou te le sailiili i nisi o talalelei, atonu tatou te ono faia ni faaiuga sesē e uiga i lenei valaauina.
- E le o se taimi muamua lenei sa fetaia'i/pe na faalogo ai nei taulelea ia Iesu. I le avea ai ma soo o loane le Papatiso, sa latou faalogo ai i ana upu e uiga ia Iesu, ma sa latou mulimuli atu ai ia te la. O tagata muamua na faapea ona faia o Anetere'a ma loane, sosoo ane ai ma o la uso (loane 1:35-42).
- Sa a'oa'o Iesu mai luga o le vaa o Peteru, ma na te'i ane ua tupu ai se vavega i lea mea. Na toetoe lava a masaesae neti fagota o le au uso e toafa ona o le tele o ia ua latou maua (Luka 5:1-7). A'o fonofono e lakopo ma loane neti fagota, a ua faapa'u atu Peteru i aao o Iesu (Luka 5:8-11).
- Ua tuua e lakopo ma loane lo la tama e vaaia le pisinisi a le aiga, ma na tuua foi e Peteru ma Anetere'a mea totino sa faalagolago e ola ai ae ia avea ma nisi e aumaia ni agaga. E ala i le usiusitai i le valaau a Iesu, na suia ai o latou olaga, atoa ma olaga o le lalolagi atoa.

B Faatinoina o le Sapati:

❖ A'oa'o atu i le sunako: Mareko 1:21-28.

- O loo manino mai i talalelei e faapea o le ulu atu i le sunako i le aso Sapati o se tu masani lava lea a Iesu, ae le na o se sauniga e tuufuaina (Luka 4:16).
- Na faapefea ona tali atu tagata i a'oa'oga a Iesu? (Mareko 1:22).
- Peita'i, e le o tagata uma na fiafia. Na faasalavei e le fili le sauniga, ma taumafai lava ia faaleaogaina aoga a Iesu, aua ua tosina i ai nisi (Mareko 1:23-26). O se faauilavea vave lava na faia e Iesu na mafua ai ona atili tosina tagata ia te la (Mareko 1:27-28).
- E tolu ni mea moni e tulaga ese mai lenei tala:
 - (1) **Sa i ai se temoni i totonu o le ekalesia.** O loo i ai "titania" i totonu o le ekalesia, ma e le mafai ona tatou ta'ueseina i latou (Mataio 13:24-30).
 - (2) **Na iloa lelei e le temoni o Iesu lea,** ma sa vaavaai mo se auala e faaleaogaina ai Lana tala'iga.
 - (3) **Na faatonuina e Iesu o ia ina ia filemu.** E le o se taimi lea e faailoa atu ai o la o se Mesia.

❖ Faamalologa: Mareko 1:29-34.

- Ina ua maea sauniga i le sunako, ona fai lea o se malologa a Iesu ma Ona soo e to'afa i le fale o Peteru, ma ta'umamafa fiafia ai na'o i latou lava (Mareko 1:29).
- A'o latou saunia le laulau, sa latou ta'u atu ia Iesu e uiga i le tina o le to'alua o Peteru, ua maua i le ma'i vevela (Mareko 1:30). Ina ua uma ona faamaloloina lenei tina, sa ia auauna atu loa ia tei latou (Mareko 1:31). O ni faamanuiaga uma ua foaiina mai e Iesu i a'i tatou, ia faaosofia ai lo tatou faanaunau atu ia faasoa atu nei mea i nisi.
- O le vavega na faia i le temoni na uluitinoina, o se talatalanoaga autu lea i totonu o le tele o aiga i Kapanaumi. O lea, i toe taimi o itula paia o le Sapati, i le goto atu o le la, ua latou aumai ai lea ia Iesu o e mama'i uma, atoa ma e ua uluitinoina e temoni, ina ia faamaloloina (Mareko 1:32-34).
- O se oliolisaga tele! O se alaga o viiviiga ua faatumuina ai le fale o Simona! Ma e le gata na vivii atu i latou na faamaloloina, ae na faaolioliina foi Iesu lava ia ina ua aumaia i a'i latou lenei faamalologa.

C Galuega faatino i aso ta'itasi :

❖ Tatalo ma a'oa'o atu: Mareko 1:35-39.

- I le Ulu'asi aso sa faatalitali ai le au soo mo Iesu e tala'i atu i le aai. Ae na ese mai fuafuaga a Iesu. O Lona finagalo ia tala'i atu ma faamanuia ai nisi atu e toatele i Ana upu ma galuega faatino (Mareko 1:36-39).
- Peita'i e le'i faatinoina e Iesu Ana lava mea e faamuamua. Faapei lava ona masani ai, e muamua lava ona maluu atu e talanoa i Lona Tama ina ia ta'u atu ia te la mea uma o le a la faia i lea lava aso (Mareko 1:35; loane 8:28).

- E masani lava ona saili atu lesu i le Atua i le tatalo i aso uma, ma o loo valaaulia foi e la i tatou ina ia faaa'oa'o atu ia te la i lea lava masani (Mar. 6:46; Luka 3:21; 5:16; 9:18; 11:1; 18:1). I ni tulaga faapitoa, Na te faaaluina ai foi se po atoa e tatalo ai (Luka 6:12-13; Mataio 14:21-23).
- E le tatau ea ona tatou faapei o lesu, ia saili atu i le Atua i aso uma i le tatalo ina ia tatou iloa poo le a Lona finagalo? I ni manaoga faapitoa, tatou te le saili atu ea ia te la aemaise lava i le tatalo?

❖ **Faamalolo ma ia ava i le Tulafono: Mareko 1:40-45.**

- O le lepela, ua faanofu'esea mai fesoota'iga ma tagata uma ona o lona ma'i, ua ia tootuli atu i luma o lesu ma faatoga atu mo se faamalologa (Levitiko 13:45; Mareko 1:40).
- I luma o le motu o tagata, na faia ai e lesu se mea e le tusa ai ma le tulafono: ua la pa'i atu i le lepela ma ua avea ai ma tagata le mamā. Ae, nai lo le aafia o la i le lē mamā o le lepela, na maua e le lepela le faamalologa mai ia lesu.
- **A'o tatou o mai ia lesu ma a tatou agasala ma le eleelea, Na te le teena lava i tatou. O le a la aumaia i a'i tatou le faamagaloga ma le faamalologa, ma faamamāina i tatou ia faapei o la.**
- Ina ua uma ona faamalolo o ia, na la tuuina atu ni poloa'iga se lua faatasi ma ni faamoemoega (Mareko 1:44)

- (1) **Faaali oe i le ositaulaga:** Na la faaalua Lona ava i le tulafono; ma maua ai e ositaulaga le avanoa e talia ai o la o le Mesia.
- (2) **Aua nei fai atu se tala i se isi:** Na la taofia le au ositaulaga mai le mua'i faasagatau atu i le lepela; ma 'alo'ese mai le faaosofiaina o se manatu i le motu o tagata o se Mesia